

ფარნაგაზის სიზმარი
და მეფობის ლეგიტიმაციის ტიპოლოგია

„ცხოვრება ფარნაგაზისი“ – „ქართლის ცხოვრების“ შემადგენელი ნაწილი სრულიად განსაკუთრებული თხზულებაა. იგი შეიძლება განვიხილოთ როგორც ფუძემდებლური ტექსტი, რომელიც გადმოგვცემს ქვეყნისა და ხალხის ისტორიაში უდიდესი გარდატექნის მოვლენას: ხელისუფლების ერთი სისტემიდან – მამასახლისობიდან, მეორე სისტემაზე – მეფობაზე, გადასვლას.

განსაკუთრებულ ყურადღებას იმსახურებს თხზულების დასაწყისშივა გადმოცემული სიზმარი ფარნაგაზისა, უნიკალური ტექსტი, რომელიც მრავალი ასპექტით განხილვას საჭიროებს, რამდენადაც მასში ერთი წაკითხვითაც კი ვადასტურებოთ მითოლოგების სიუხვეს, რომელთაგან თუ თითოეული ერთმანეთთან არის სიღრმისუფლად დაკავშირებული, მეორე მხრივ, ყველანი ერთად ერთ კონცეპტში იყრიან თავს. ეს კონცეპტი არის მეფობა, რომლის ლეგიტიმაციას ტექსტში არსებული ყველა მითოლოგება ემსახურება.

„მეფე“ ფარნაგაზის სიზმრის ცენტრალური მითოლოგება. ფარნაგაზის სიზმარი ხომ მისი პატრონის გამეფების მითოსია. ფარნაგაზი მითოსურად და ისტორიულადაც (ის არ იყო მეფის შვილი), პირველი მეფეა. ის პირველად ქმნის საქართველოს ქვეყანას იმ სახით, რა სახითაც ის ისტორიულ სინამდვილეში, თუნდაც, მისი ჩაწერის ხანაში არსებობს. ფარნაგაზის, როგორც დემიურგის, მოდვაწეობა უზურპატორისგან ქვეყნის გამოხსნით იწყება (მეფე არსებითად „მხსნელია“) და ქვეყნის სტრუქტურის შექმნით (ტერიტორიულ-ადმინისტრაციულ დაყოფა), საერთო კულტის დაწესებით, მწიგნობრობის შემოღებით და ქართული ენის (როგორც კულტურისა და ერთიანი ქვეყნის სამართავი იარაღი რკინის იარაღთან ერთად) პეგემონიის დამყარებითა და განვრცობით გვირგვინდება. ქვემორე მოყვანილი ტექსტს განვიხილავთ არა მხოლოდ როგორც საქართველოს პირველი მეფის, არამედ როგორც მეფობის პირველად შემოღების მითოლოგიურ ნარატივს. ტექსტი დახუნდლულია მითოლოგებით, რომელთა თანამიმდევრობა მეფედ კურთხევის რიტუალს წარმოგვიდგენს. მთლიანი ტექსტი შეგვიძლია სამ პერიოდად დავყოთ.

I. რეალობა

„მას ჟამსა იყო ჭაბუკი ერთი მცხეთას ქალაქსა შინა, რომელსა სახელი ერქუა ფარნაგაზ. ესე ფარნაგაზ იყო მამულად ქართლელი, ნათესავი უფლოსი, მცხეთოსის ძისა, და დედულად სპარსი ასპანელი. და იყო იგი ძმისწული სამარისი, რომელი მოსლვასა მას ალექსანდრესსა მცხეთელ მამასახლისი ყოფილიყო. ესე სამარ და ძმა მისი, მამა ფარნაგაზისი, მოკლულ იყო ალექსანდრესგან. ხოლო დედასა ფარნაგაზისსა წარეყვანა ფარნაგაზ, სამისა წლისა ყრმა, და შელტოლვილ იყო კავკასიად და მუნ აღზრდილ იყო და მოსრულ იყო მცხეთას, მამულსა თვისსა.

ხოლო ესე ფარნაგაზ იყო კაცი გონიერი, მგედარი შემმართებელი და მონადირე კედლოვანი. და იმალვიდა იგი სიკეთესა თვისსა აზონის შიშისაგან. ხოლო მონადირეობითა მისითა იქმნა მეცნიერ აზონისა, და შეიყუარა იგი აზონმან მონადირეობისათვის. ევედრებოდა ფარნაგაზს დედა მისი: შვილო ჩემო, ეკრძალე აზონს და ნურა-რას იჩინებ თავისა შენისა სიკეთესა, ნუ უკუე მოგალან შენ. და იყო შიში და ძრწოლა მას ზედა. და ვითარ განმრავლდა შიში აზონისი მათ ზედა, რქუა ფარნაგაზს დედამან მისმან: შვილო ჩემო, დაუტევე საყოფელი მამათა შენთა და წარმიყვანე მამულსა ჩემსა ასპანს, მმათა ჩემთა თანა, და განერე შენ ცოცხალი გელისაგან აზონისა.

და დაამტკიცეს განზრახვა ესე: წარსლვა ასპანისა. ჭირ უნდა ფარნავაზს დატევება საყოფელსა მამათა მისთასა, არამედ შიშისაგან დიდისა დაამტკიცა წარსლვა.

II. ა) სიზმარი და ბ) ცხადი

- ა) მაშინ იხილა ფარნავაზ სიზმარი, რეცა იყო იგი სახლსა შინა უკაცურსა და მგულვებოდა განსლვა და ვერ განვიდა. მაშინ შემოვიდა სარკუმელსა მისსა შექი მზისა და მოერტყა წელთა მისთა და განიზიდა და განიცემანა სარკუმელსა მას. და ვითარ განვიდა ველად, იხილა მზე ქვემდაბლად, მიჰყო გელი მისი, მოჰკოცა ცუარი პირსა მისასა და იცხო პირსა მისსა. განიღვიძა ფარნავაზ და განუკვირდა და ოქუა: სიზმარი იგი ესე არს: მე წარვალ ასპანს და მუნ კეთილსა მივეცემი.
- ბ) ხოლო მას დევესა შინა განვიდა ფარნავაზ და ნადირობდა მარტო და დევნა უყო ირემთა ველსა დიღომისასა. და ივლტოდეს ირემნი დირდალთა შინა ტფილისისათა. მისდევდა ფარნავაზ, სტყორცა ისარი და პერა ირემსა. და მცირედ წარვლო ირემმან და დაეცა ძირსა კლდისასა. მივიდა ფარნავაზ ირემსა ზედა. და დღე იგი მწუხრი გარდახდა. და დაჯდა ირემსა მის თანა, რათომცა დაყო მუნ დამე და დილეულმცა წარვიდა.
- ხოლო კლდისა მის ძირსა ქუაბი იყო, რომლისა კარი აღმოქმნეულ იყო ქვითა ძუელად, და სიძუელითა შექმნოდა დარღუება შენებულსა მას. მაშინ დაასხა წვიმა მძაფრი. ხოლო ფარნავაზ აღმოიღო ჩუგლუბი და გამოარდება კარი ქუაბისა მის, რათომცა მუნ შიგა დაიმშრალა წვიმისა მისგან, და შევიდა ქუაბსა მას. და იხილა მუნ-შინა განძი მიუწდომელი, ოქრო და ვეცხლი და სამსახურებელი ოქროსა და ვეცხლისა მიუწდომელი.

III. istoriuli Sedegebi

...maSin farnavaz wargzavna mona TÂsi quis Tana da rqua: me var naTesavi uflos mcxeTosis Zisa da Zmiswuli samara mamasaxlisisa, da ars CemTana xuastagi didZali. Aaw inebo, raTa miT xuastagiTa movide Sen Tana da viyvneT Cuen Zma da viĀmaroT Cuen xvastagi igi orTave. gamouCndeT Cuen mterad azon erisTavsa da sueman Cuenman guces Cuen Zleva keTili.

maSin ganixara quji sixaruliTa didiTa da rqua: aRdeg da moved Cem Tana da nu Surob xuastagsa Sensa da xuastagiTa SeniTa gangimravlne spani Senni, vidre gamovCndeT mterad azonisa, maSin ganixaron yovelTa qarTvelTa awyuediTa misgan da miwyudeulTaa...

maSin farnavaz farulad warvida sixaruliTa da, romeli SesaZlebel iyo ganZisa misgan, waritana Tana da dedaca da dani misni mis Tana. da mividis qujis Tana da rqua mas quji: Sen xar Svili TavTa maT qarTlisaTa da Sen gmarTebs ufloba Cemi. aw nu Surob xuastagsa Sensa, raTa ganvamravlneT spani. Dda, ukueTu mogueces Zleva, Sen xar ufali Cueni da me var mona Seni...

...maSin yovelni qarTvelni ganudges azons... xolo movida farnavaz mcxeTas da daipyrna oTxni igi cixeni mcxeTisani. da masve welsa daipyra yovel qarTli TÂnier klarjeTisa.

aman farnavaz waravlina mociqulni winaSe mefisa antioqos asurastanisa da warsca ZRueni didZali. Dda aRuTqua msasureba. da iTxova misgan Sewevna berZenTa zeda. xolo antioqos Seiwynara ZRueni misi da uwoda Svilad TÂsad, da warmosca gÂrgÂni...

da amanve farnavaz Seqmna kerpi didi saxelsa zeda TÂssa: ese ars armazi, rameTu farnavazs sparsulad armaz erqua. amarTa kerpi igi armazi Tavsa zeda qarTlisasa da mieriTgan ewoda armazi kerpisa misTÂs. Dda qmna sattureba didi kerpisa misTÂs.

...da ese farnavaz iyo pirveli mefe qarTlsa Sina qarTlosisa naTesavTagani. Aman ganavrco ena qarTuli da arRara izraxebeda sxua ena qarTlsa Sina TÂnier qarTulisa. Dda aman Seqmna mwignobroba qarTuli" [1, 20-26].

ჩვენი ანალიზის საგანია მოყვანილი ტექსტის II პასაუი ანუ „სიზმარი და ცხადი“, რომლებიც სასწორის თანაბრად დატვირთული პინებივით არის გაწონასწორებული: არაფერია ისეთი სიზმარში, რომლის გამოძახილი არ იყოს ცხადში, სიზმრის სიმბოლიკა ცხადის რეალური საგნების სახით არის წარმოდგენილი. თუმცა თითოეულ მათგანს დამოუკიდებელი მნიშვნელობები აქვს, მაგრამ, როგორც ზემოთ ითქვა, ერთმანეთთხ სიღრმისეული კაგშირით არიან დაკავშირებული. აქ გვაგონდება დასაწყისი სიტყვები პროკლე დიადოხოსის თხზულებისა „ღვთისმეტყველების საფუძვლები“: „ყოველივე სიმრავლე როგორმე ეზიარება ერთს“ [2:9].

მეორე მხრივ, უადგილო არ იქნება დავიმოწმოთ რუსი მეტაფიზიკოსი ფილოსოფოსის სემიონ ფრანკის თეზისი რეალობის მეტალოგიური ფენის შესახებ, სადაც მთელი საგნობრივი რეალობა მოცემულია როგორც ერთიანი განუწყვეტელი მთლიანობა (некое целостное сплошное единство).

ამასთანავე, დავიმოწმებთ სპინზას ფორმულას, რომელსაც მოიხმობს ს. ფრანკი თავის წიგნში „Непостижимое“: „ქვეყანაზე არ არის რაიმე და არც მოიაზრება რაიმე, რაც თავისთვად იარსებებდა, სხვა რაიმესთან რაიმე კავშირის გარეშე“ [3:234]. რამდენადაც შეუძლებელია ანალიზის გარეშე წვდომა ამ ერთიანობისა, რომელსაც “ფარნაგაზის ცხოვრების” II მონაკვეთი მთლიანად და მისი რეალიები შეიცავს, ჩვენ გვიხდება „ცოცხალი“ ტექსტის „ვივისექცია“, რათა საბოლოოდ ისინი კვლავ ერთიანობაში მოვაქციოთ.

მეფობის შენების საწყისები სწორედ ამ სიტყვების უკან დაფარული რეალობებია. როგორც ითქვა, ისინი მეტალოგიურ ერთობაში არიან „ჩაწეული“ ერთმანეთში, მაგრამ ანალიზის ინტერესისთვის (სხვაგვარად ვერც მოხერხდება) მათ ცალ-ცალკე რიტუალური მიმდევრობით განვიხილავთ.

ობლობა

ის გარემოება, რომ ფარნაგაზის მამა უცნობია და, ამავე დროს, მოკლული, შვილს აყენებს იმ მითოსურ პერსონაჟთა რიგში, რომელთა სიცოცხლე ჩვილ ასაკშივე ბეწვზე პკიდია, მაგრამ თუ გადარჩენენ, დიდებულებას აღწევენ. ობლობის დაფარული დიდების (შესაძლებლობათა) მანიფესტაცია ხდება გარდამტეს პერიოდებში. ზღაპრის პერსონაჟი – ობოლი, უფრო დამძიმებული სტატუსით, გერი, არის უუფლებო და უმკვიდრო, წუთისოფლის ანაბარა მიტოვებული ბავშვი.

არსებობს წუთისოფლის ბავშვი, წერს ერთგან ნ. ბერდიაევი, და არსებობს დავთის ბავშვი, რომელსაც „ბედი სწყალობს“ და დასაბამიერი თავისუფლებით არის დაჯილდოებული. ჩვენი მხრივ დავსძენთ, რომ დედა გამოხატავს დავთის სამეფოს, ხოლო დედინაცვალი – ამ წუთისოფლებს. შესაბამისად, ობოლი და გერი, როგორც დავთის ბავშვები, არ ეკუთვნიან ამ წუთისოფელს – ისინი არ არიან მისი მკვიდრნი. ობლობა და გერობა აქ ტოვებს სოციალურ სფეროს და სხვა განზომილებაში გადადის. ობოლი და გერი ზღაპრების უველაზე საყვარელი, იმედის მომცემი პერსონაჟია.

ფარნაგაზის მეფედქცევის მითოსში ნაკლები მნიშვნელობა ენიჭება იმ გარემოებას, რომ მისი ბიძა მამასახლისი იყო. მახვილი გადატანილია მის ობლობაზე, რომელიც უთვისტომობის გაძლიერებული სახეა. შეიძლება ითქვას, რომ ფარნაგაზის მეფობის საწყისი არა მის გვაროვნულ წარმომავლობაზე, არამედ მის ობლობაზე და თვდაპირველ მიუსაფრობაზეა დამყარებული.

დედის რჩევას – „შვილო ჩემო, დაუტევე საყოფელი მამათა შენთა და წარმიყვანე მამულსა ჩემსა ასპარს, მმათა ჩემთა თანა, და განერე შენ ცოცხალი კელისაგან აზონისა“ – აქ იმაზე მეტი მნიშვნელობას შემცველია, რაც მას ყოფით განზომდებაში აქვს. აქ ასპარი – დედულეთი – მითოსური დედის უდრუბლო ქვეყანაა, სადაც ფარნაგაზმა თავი უნდა შეაფაროს (ან დაბრუნდეს) იმ წუთისოფლისგან, რომელსაც ქართლის ქვეყანა განასახიერებს უზურპატორის ხელში („და იყო ჭირი დიდი

ნათესავსა ზედა ქართველთასა“ [1:20]. სიზმრის „ეგულვებოდა განსლვა და ვერ განვიდა“ იმ გამოუვალი მდგომარეობის რელიეფური ასახვაა, რომელსაც ფარნავაზი ქართლში განიცდის. დედა უსახელოა, რადგან ის დედობის პრინციპს გამოხატავს განზოგადებულად: დედა – მრჩეველი, დედა – შემფარებელი, დედა – მხესნელი; ეს უსახელო დედა შეიძლებოდა, მსგავსად გილგამეშის დედისა, თავისი შვილის სიზმრის ამხესნელი ყოფილიყო, რომ ცხადისეულ გამოცდილებას არ გამოეაშკარავებინა სიზმრის საზრისი.

შენიშვნა.* დედულეთში დაბრუნება ფარნავაზისთვის ხსნის ისეთივე პერსპექტივა იყო, როგორიც გამოხატულია შუმერულ კონცეპტში ამა-არ-გი „დედასთან დაბრუნება“ რომელიც გვიჩვენებს დედის (ამა) წიაღს, კალთას, როგორც უკანასკნელ თავშესაფარს, ადამიანის ბუნებრივ სამყოფელს. მხოლოდ ამარგიში, რომელიც საწყისი მდგომარეობაა, პოულობს ადამიანი თავისუფლებას, ამიტომაც „დედასთან დაბრუნება“ თავისუფლების იდეის ტოლფასი კონცეპტია.

შენიშვნა.** მეორე მხრივ, თუ ყოფით დონეზე გადავინაცვლებთ, დედის ძმები ასპარში ფარნავაზისთვის ბუნებითი მფარველები უნდა ყოფილიყვნენ. ცნობილია დედისძმათა განსაკუთრებული როლი დისტულის ბედ-იღბალში. ამას ვადასტურებთ როგორც „პრიმიტიულ“, ისე დაწინაურებულ ცივილიზაციებში. გავიხსენოთ, სად მიიღო ოდისევსმა თავისი განთქმული ჭრილობა – იდენტიფიკაციის ერთგავრი ნიშანი, რომლითაც იგი ევრიკლება გამოიცნო. ან თუნდაც ხელშურული: „დისტული დედისძმისგანა არ გაიცვლების სხვაზედა“

მაგრამ ფარნავაზის შემთხვევაში, ზებუნებრივი ძალების ჩარევის გამო, ეს შესაძლებლობა არ არის რეალიზებული.

ობლობის მოტივი გამოყენებულია ბაგრატიონთა საგვარეულოს წარმოშობის მითოსში. ამ ხალხური თქმულების ჯერ-ჯერობით ერთადერთი ვარიანტი ვახუშტი ბატონიშვილს ეკუთვნის:

„ვგონებ, ვითარცა სიტყვა არს ივერიელთა შინა, რამეთუ ირემმან განზარდა ბაგრატიონი, იყო ესე გურამ რაჟამს მოუკლეს მამა და მიუდეს ბერძენთა ბოლო კლარჯეთისა, ამას ეძიებდენ და დამალეს გამზრდელთა და მწირობასა შინა ყრმა ესე შეეგუა (ვარ. შეუდგა) ირემსა, აწოვებდა და აღივსის და ავლინებდა. შემდგომად იხილეს საკვირველი ესე კლარჯთა, პსკეს ბაგრატოვანება მისი, მიიყვანეს და ჰყენეს კვალად ერისთავ-ერისთავად. სარწმუნო პატრონი კლარჯთა და მესხთა“ [4, 694].

ამ უნიკალური ტექსტის ბოლო წინადადება – „ამისთვის იქმნა უმეტეს სარწმუნო პატრონი“ – მოწმობს, რომ მისი ავტორისთვის (ასევე ივერიელებისთვის, კერძოდ, კლარჯთათვის) ობლობის, გადამალვის და მწირობის ეს მოდელი ძლიერი ლეგიტიმაციის ხარისხის მქონეა. ბაგრატიონთა ლეგიტიმაციაზე ნარკვევის მეორე ნაწილში გვექნება საუბარი, აქ კი უნდა აღინიშნოს, რომ გუარამის სტატუსი, როგორც ობლისა და მწირისა, მით უფრო ძლიერია, რომ იგი მოკლული მამის ძეა ისევე, როგორც ფარნავაზი. ამ მოდელში ნიშანდობლივია ნულოვანი დონე, საიდანაც აღზევდება მეფობის კანდიდატი. ეს ვარიანტი დასტურდება აქადელი სარგონის (ძვ. წ. 2334-2279) გამეფების ანდრეზშიც, სადაც ასევე არ არსებობს რაიმე წანამდღვარი, რომელიც ისტორიულად გაამართლებდა მის გამეფებას. თუმცა მისი დედა დვოისმხევალია, მაგრამ მამა უცნობია (თუმც არა მოკლული), რაც მის მდაბიო წარმოშობას უნდა გულისხმობდეს. ასევა თუ ისე, მშობელი დედა თავისთან არ იტოვებს ახლადშობილს და წყალში გადასაგდებად იმეტებს, რასაც, შესაძლოა, ორი მიზეზი ჰქონდეს: ერთი ის, რომ ბავშვი იმთავითვე მოსაკლავად იყო

განწირული (რომელუსისა და რემუსის, ან ბიბლიური მოსეს ვარიანტი), მეორე ის, რომ დედას სურს სირცხვილი ჩამოირეცხოს ბავშვის მოშორებით (ლაშა-გიორგის ვარიანტი). სარგონს, გარდა სახელისა – „მეფე კანონიერი“ (*sharru kenu*), რაც იმას ნიშნავს, რომ მისი მეფობის კანონიერება არ არის განმტკიცებული წინაპართა რიგით და მოითხოვს ლეგიტიმაციის სხვა ტიპს, არატრადიციულად (თუმცა ყოველი მოდელი თავად არის ტრადიცია) გადაეცემა მეფობა. ჩვილი ჩასვეს ლერწმის გოდორში, შეფისეს იგი და ევფრატის დინებას გაატანეს. გოდორი მებაღებ ამოიტანა წყლიდან, ბავშვი ამოსვა, გაზარდა და მებაღებ დაადგინა. მებაღეობისას ჭაბუკი ქალდმერომა იშთარმა შეიყვარა და შუმერ-აქადის მეფედ გახადა. ქალდმერომის მიერ ამ არჩევაში მდგომარეობს მისი ხარიზმა, უფრო სწორად, ხარიზმის პირობაა ეს არჩევა. ვისთვისაც ამგვარი ნარატივი არ შექმნილა, უნდა დაკმაყოფილებულიყო იმ სიტყვებით, რომლებიც ხალდის ტაძარში დაგმულ თავის ქანდაკს წააწერა ურარტუს მეფემ რუსა I-მა (მეფობის ხანი ძვ. წ. 734-714), როგორც ჩანს უზურპატორმა, რომლის უკან არ იდგა მეფეთა წყება: „ჩემი ორი ცხენით და ჩემი მეეტლით ჩემმა მარჯვენამ ურარტუს მეფობა მოიპოვა“ [5, სტრ. 404]. აქტუალური მეფის ამგვარი განცხადება უპრეცედენტოა თავისი პირდაპირობით. იგი არც კი ახსენებს დამერთ ხალდის, რომელიც ურარტუს მეფეთა გამარჯვებების სულისხმდგმელი იყო. თუმცა არ უნდა გამოვრიცხოთ ტექსტის არსებობა, სადაც რუსას მეფობა ინსტიტუციურად იქნებოდა განმტკიცებული.

შენიშვნა*. პირველ ბრძოლაში გამარჯვებას ლეგიტიმაციის მაღალი ხარისხი აქვს. ფშაველი გარა თურმანაული, რომელმაც ლაშარის ჯვრის დროშა ხელყო ხევისბრის პატივის უზურპაციის მიზნით, სწორედ პირველმა წარმატებამ (ქისტების ერთ-ერთი თემის მაისტის გატეხვამ) იხსნა ფშავის ხევის საზოგადოების რისხვისგან, უფრო მეტიც, ლაშარის ჯვრის თავ-ხევისბრის რანგში აღაზევა. ცხადია, მაინც საჭირო გახდა ხელმხარის განათვლა სახევისბროდ წესისამებრ [6:180-182].

შენიშვნა**. აშურში (ასირიაში) ლეგიტიმაციის ძირითადი ნიშანი იყო ხანგრძლივი გენეალოგია, მამაპაპური ტრადიციული დინასტია, რითაც ყოველი მონარქი ამაყობდა. თუმცა ზოგჯერ მეფე არ ახსენებდა თავის მეფურ წინაპრებს. აშურში არსებობდა მეორე გზა მეფედ გახდომისა: პირვენება, რომელიც საკუთარი რისკით და ძალებით მოიპოვებდა მეფობას, თავს დმერთების რჩეულად მიიჩნევდა. ამგვარად გამეფებულთა არქეტიპი სარგონ აქადელი იყო [7:101]. აშურის მეფებ სარგონმა (ძვ. წ. 721-705) ეს სახელი აირჩია, რათა უზურპაცია გაექარწყლებინა: მან, თიგლათფალასარ III-ის უკანონო ძემ, ტახტი წაართვა კანონიერ მემკვიდრეს, უკვე გამეფებულ შალმანაცარ V-ს (ძვ. წ. 727-722), რისთვისაც ეს სახელი „მეფე კანონიერი“ (სპარრუ კენუ) შორეული წარსულიდან მოეხმო.

თუმცა პირველი ტიპის, გენეალოგიაზე დაფუძნებული, ლეგიტიმაცია არ გამორიცხავს დმერთების მხარდაჭერასაც. ეს ტიპი რელიეფურად არის ასახული აქემენიანთა გენეალოგიაში, რომელსაც დარიოს I (522-486) გვამცნობს:

„მე ვარ დარიოსი, მეფე დიდი, მეფე მეფეთა, მეფე სპარსეთისა, ძე ვიშტასპასი, შეილიშვილი არშამასი, აქემენიანი. ასე ამბობს დარიოს მეფე: ჩემი მამა – ვიშტასპა, ვიშტასპას მამა – არშამა, არშამას მამა – არიარამნა, არიარამნას მამა –

ჩიშპიში, ჩიშპიშის მამა – აქემენი. ამიტომ ვიწოდებით აქემენიანებად. ჩვენ ძველთაგანვე პატივით ვართ გარემოსილნი, ძველთაგანვე ჩვენი საგვარეულო სამეფო საგვარეულო იყო. ჩემი საგვარეულოდან ჩემამდე რვა მეფე გამოვიდა. მე მეცხრე ვარ. ცხრა მეფე ერთმანეთის მიყოლებით. მე აჟურა-მაზდას ნებით ვარ მეფე. აჟურა-მაზდამ მომცა მე მეფობა“ [8:358].

ამ გენეალოგიაში ერთადერთი აქემენი არ არის მეფური წარმომავლობის, მაგრამ ის იწყებს მეფობას. ის მოექცევა სარგონ აქადელის, ურარტელი რუსას და სხვათა, მეფობის დამწეულთა წრეში, რომელსაც ეკუთვნის ფარნავაზი – პირველი მეფე ქართლისა. ეს ის პიროვნებანი არიან, რომელთაც თავიანთი თავი თავად გახადეს მეფე. მეფობის წყარო თითქოს მათშივეა.

მეფე-მონადირე

არ არის შემთხვევითი, რომ ფარნავაზი დახასიათებულია როგორც – „მონადირე კელოვანი“.

მონადირეობას სამი ასპექტი აქვს ჩვენს თემასთან დაკავშირებით: მონადირეობა მეფის მოწოდება; მონადირეობა როგორც სუზერენსა და ფარულ მეფეს შორის მეტოქეობის პირობა; მონადირეობა როგორც საიდუმლოს აღმოჩენის გზა.

განვიხილოთ ისინი ერთმანეთთან ურთიერთობაში.

არის საზოგადოებები, სადაც ნადირობა მაღალი რანგის საქმიანობა: ის მაღალი წრეების პრივილეგიაა. მხოლოდ მეფეებს და დიდებულებს აქვთ ნადირობის უფლება (იქნებ იმის გამო, რომ მათია ტერიტორია, სადაც გარეული ცხოველები მოსახლეობენ?). განსაკუთრებით ძველ ირანში მონადირეობა მეფეთა აუცილებელი ატრიბუტი იყო. ის გადადის მითოსში და სიმბოლურ მნიშვნელობასაც იძენს.

„ხოლო ესე ფარნავაზ იყო კაცი გონიერი, მცედარი შემმართებელი და მონადირე კელოვანი. და იმალვიდა იგი სიკეთესა თვისსა აზონის შიშისაგან. ხოლო მონადირეობითა მისითა იქმნა მეცნიერ აზონისა, და შეიყუარა იგი აზონმან მონადირეობისათვის. ევედრებოდა ფარნავაზს დედა მისი: შვილო ჩემო, ეკრძალე აზონს და ნურა-რას იჩინებ თავისა შენისა სიკეთესა, ნუ უკუ მოგძლან შენ. და იყო შიში და ძრწოლა მას ზედა“. ¹

ფარნავაზს თავისი სამონადირეო ხელოვნების დამალვა უხდება და ეს სავსებით კანონზომიერია; დედა თავისი გამჭრიახობით გრძნობს საფრთხეს, რომელიც ემუქრება მის ვაჟს სწორედ ნადირობაში ხელოვნების გამოჩენის გამო, რომელიც, ერთხელაც იქნება და გამოიდებს თავის საბედისწერო შედეგს. თავისი უპირატესობით მონადირეობაში ფარნავაზი ცხობიერად თუ ქვეცნობიერად მეფობაზე აცხადებს პრეტენზიას. თუმცა ფარნავაზსა და აზოს შორის დაპირისპირება თავის ლოგიკურ შედეგამდე არ მისულა და დედის არცოუ უსაფუძვლო ეჭვებს რეალიზაცია არ ჰქონია, ჩვენ შეგვიძლია წარმოვიდგინოთ ეს პერსპექტივა არდავანისა და არდაშირის მაგალითზე. სუზერენსა და ვასალს შორის ურთიერთობის ეს მოდელი ხორცშესხმულია „არდაშირ პაპაკანის წიგნში“, სადაც მეფესა და მის ქვეშევრდომს – მეფობის ფარულ კანდიდატს შორის საბედისწერო დაბაბულობის მიზეზი სწორედ მონადირეობაა, კერძოდ, ნანადირევი, რომელზეც პრეტენზიას აცხადებს სუზერენი, როგორც ერველი

მონადირებული მხეცის პოტენციური მფლობელი, რადგან მისია მთელი ქვეყანა.

„ერთ დღეს არდავანი ცხენოსნებსა და არდაშირთან ერთად სანადიროდ წავიდა. მინდორში კანჯარი გამოჩნდა; არდაშირი და არდავანის უფროსი ვაჟი დაედევნენ. არდაშირი დაეწია, ისარი სტყორცნა იმგვარად, რომ ფერდიდან მუცელში გაუარა და მეორე მხარეს გამოვიდა და კანჯარი ადგილზე დაეცა. არდავანი და ცხენოსნები მივიდნენ. როცა მათ ამგვარი ნატყორცნი დაინახეს, გაოცდნენ და იკითხეს: „ეს ვინ სტყორცნა?” არდაშირმა უთხერა: „ეს მე გავაკეთე”. არდავანის ვაჟმა თქვა: „არა, მე გავაკეთე”. არდაშირი განრისხდა და არდავანის ვაჟს უთხერა: „არა ხამს უნარისა და ვაჟკაცობის მისაკუთრება უსამართლობით და ბოროტებით! აი ველი და აი მრავალი კანჯარი. მე და შენ აქ მეორედ შევეჯიბრებით ერთმანეთს და გამოვაჩენო ჩვენს სიკარგეს, სიმარდესა და მამაცობას”. ამის გამო არდავანს გული მოუვიდა და არ მისცა არდაშირს ცხენზე შეჯდომის უფლება...” [9:44].

არდაშირს ისდა დარჩენოდა, რომ უკვე საბედისწეროდ დაპირისპირებოდა სუხერენს. ის გაძრის. (აქ თხრობაში მეფობასთან დაკავშირებული სხვა რეალიები შემოდის).

ამ ურთიერთობის მაგალითად შეგვიძლია საულისა და დავითის ურთიერთობა გავიხსენოთ. კონფლიქტის მიზეზი აქ ნადირობაში უპირატესობა არ არის, რადგან ბიბლია არ იცნობს (ანუ არ ცნობს) ნადირობას. მიზეზი აქ საბრძოლო წარმატებაა, რომელიც იწყება ნორჩი ჭაბუკის მიერ გოლიათის დამარცხებით, როდესაც მან სირცხვილისგან იხსნა ისრაელის ლაშქარი (1მეფ. 17), და გვირგვინდება მის პირველსავე ბრძოლაში გამარჯვებით, როცა შეითხხა სიმღერა, რომელსაც ქალები მდეროდნენ: „შემუსრა საულმა თავისი ათასი, ხოლო დავითმა თავისი ათიათასი” (1მეფ. 18:7), რასაც მოსდევს ეს ტექსტი: „მეტად განაწყენდა საული, არ მოეწონა ეს სიტყვები, თქვა: დავითს ათი ათასს აძლევენ, მე კი ათასს. მეფობადა აკლია” (1მეფ. 18:8). სავსებით ბუნებრივია ეს სიტყვები. საულს, რომელზეც, როგორც ცხებულზე, დროდადრო გადმოდის წინასწარმეტყველების სული, შეეძლო ამოეცნო, რომ დავითი უკვე უფლის ცხებულია. მათ უკვე ვერაფერი შეარიგებდა. დავითის გამეფება ახლა უკვე მხოლოდ დროის საკითხი იყო.

შენიშვნა. გოლიათთან დავითის გამარჯვება გააზრებულია როგორც მონადირის გამარჯვება მხეცზე. ეს არ არის ჩვეულებრივი ორთაბრძოლა, მოწინააღმდეგებენი არც კი შეჭიდებიან ერთმანეთს. დავითმა უარყოფს საბრძოლო საჭურველს, რომლითაც თმა შემოსა იგი. და ერტადერთი იარაღით – შურდულით გადის გოლიათის წინააღმდეგ, როგორც გარეულ მხეცებზე სანადიროდ გადიან. ეს მისი სიტყვებიდანაც ჩანს: „უფალი, რომელიც დამიხსნიდა ხოლმე ლომისაგან და დათვისაგან, ახლაც დამიხსნის ამ ფილისტიმელისაგან“ (1მეფ. 17:37).

შევხედოთ ამ თვალსაზრისით ნადირობის ეპიზოდს, რომელსაც „ვეფხისტყაოსნის“ კომპოზიციისთვის გადამწყვეტი მნიშვნელობა აქვს. პოემაში ნადირობას ორი ფუნქცია აკისრია, რომლებიც არსებითია პოემის როგორც კომპოზიციურ, ისე იდეოლოგიურ ჭრილში. ნადირობის შედეგი გადაშლის ახალ პორიზონტს პერსონაჟთა ურთიერთობაში.

გავიხსენოთ, რა არის მეფე როსტევანის პირველი დაღრეჯის მიზეზი: თინათინის გამეფების ლხინში, როცა ზეიმა კულმინაციას მიაღწია.

დიდებულთა გასაოცრად „მეფემან თავი დაპკიდა და პქონდა დაღრეჯილობა”. დიდებულებმა ეს მიაწერეს ახლადგამეფებულის უზომო ხელგაშლილობას. მაგრამ მეფეს სხვა რამ აწუხებს:

„ერთაი მიზის ასული, ნაზარდი სათუთობითა;
ლტერომან არ მომცა ყმაშილი, – ვარ საწუთროსა თმობითა, –
ანუმცა მგვანდა მშვილდოსნად, ანუ კვლა მობურთლობითა;
ცოტასა შემწევს ავთანდილ ჩემგანვე ნაზარდობითა”.

ეს სიტყვები ჭეშმარიტად ქვეყნის მომავალზე მზრუნველი სუზერენის სიტყვებია. იგულისხმება შემდეგი: თინათინი გამეფებულია, მას უნდა მოჰყვეს ავთანდილის გამეფება – ამაოდ არ არის ნახსენები თინათინისა და მისი ტრფიალების ამბავი იმთავითვე, როცა სპასპეტი შემოდის თხრობაში („მას თინათინის მშვენება ჰკლევდის...“). მეტოქეობას სხვა შემთხვევაში (როგორც არდაშირისა და არდაბანის ეპიზოდი გვიჩვენებს) ტრაგიკული დასასრული ექნებოდა „ჯერთ უწვერული“ ჭაბუკისთვის. მაგრამ არაბეთში პატრონისა და ყმის სხვა მოდელი „მუშაობს“, ამიტომაც ავთანდილს მეტობისთვის საფრთხე არ ემუქრება, რადგან მეფის დაღრეჯის წამალი სწორედ ავთანდილის უპირატესობაა (რაც ტრადიციულ მოდელში მიზეზია). ამიტომაც ავთანდილი თამამად აცხადებს:

„ავთანდილ იტყვის: დავიწყო კადრება საუბნარისა:
ნუ მოკვებ მშვილდოსნობასა, თქმა სჯობს სიტყვისა წყნარისა.
მიწაცა თქვენი ავთანდილ თქვენს წინა მშვილდოსნია;
ნაძლევი დაგდვათ, მოვასხეთ მოწმად თქვენნივე სპანია;
მოასპარეზედ ვინ მგავსო? – ცუდნიდა უკუთქმანია.
გარდამწყვედელი მისიცა ბურთი და მოედანია”.

ასპარეზობა ლადობაში წარიმართა და, როცა გაირკვა ვასალის უპირატესობა, რომ –

„ორთავე ერთგან მოკლული უველაი ასჯერ ოცია,
მაგრა ავთანდილს ოცითა უფროსი დაუხოცია”, –

მეფესაც მოეხსნა ჭმუნვა:

„უხარის უგრე სიკეთე მისისა განაზარდისა”.

ამგვარი სიტუაციის ეფექტი მით უფრო მოულოდნელია, რომ ყველაფერი ხდება არა ისე, როგორც მოდელი კარნახობს. გავიხსენოთ ამის საპირისპირო „შემუსრა საულმა თავისი ათასი, ხოლო დავითმა თავისი ათიათასი”, რამაც საულში დავითისადმი შეურიგებელი მტრობა გამოიწვია, მაგრამ არაბეთის კარი ამ წესის გამონაკლისია – სუზერენისა და ვასალის ურთიერთობა აქ პატრონულობის იდეალურ მოდელზეა აგებული. ავთანდილის გამარჯვება ნადირობაში საწინდარია მისი გამეფებისა, რისი მოწმეც მკითხველი უშუალოდ ამ ამბის შემდეგ გახდებოდა, რომ მდინარის პირას „უცხო მოყმა“ არ გამოჩენილიყო.

რიტუალური სიკეთილი და მეფედშობა.

გამომწყვდევა („უკაცურ სახლში“) და გამოსვლა „გადასვლის რიტუალების“ კატეგორიას ეკუთვნის (*rites de passage*). ტერმინი ეკუთვნის ბელგიელ ეთნოლოგს არნოლდ ვან ხენეპს (ვან ენეპ). ფარნავაზი საკუთარ თავს „უკაცურ სახლში“ ხედავს, საიდანაც სურს გამოსვლა, მაგრამ ვერ გამოდის. რას შეიძლება ნიშნავდეს მისი სიზმრის „უკაცური სახლი“? მსოფლიო მითოლოგიის არსენალში რომც არ იყოს ცნობილი „უკაცური სახლის“ სემანტიკა, ყველაფერი, რაც ხდება ფარნავაზის თავზე ამ სახლიდან გამოსვლის შემდეგ, აშკარას ხდის, რომ იგი ქვესკნელშია მოხვედრილი. იგი კვდება, რათა ხელახლა იშვას, მაგრამ განსხვავებული სტატუსით. სიკვდილს და ხელახლა შობას არავითარი გამართლება არ ექნებოდა, თუ მის ბედში არაფერი შეიცვლებოდა. ფარნავაზი თავის თავს ხედავს აჩრდილთა სამეფოში („უკაცური სახლი“ მისი მითოლოგემური ვარიანტია), სადაც მოულოდნელად იჭრება მზე თავისი სხივით. მითოლოგიდან კი (შუამდინარული, ეგვიპტური) ვიცით, რომ მზე (შამაში, რაე) პერიოდულად მკვდართა სამეფოსაც უნაოებს.

აფრიკული მოწმობა. მიუხედავად ღრმა კულტურულ-ისტორიული განსხვავებისა კონგოს ბელადად კურთხევის რიტუალსა და ძვ.წ. III საუკუნის მეფედ კურთხევის ჰიპოთეზურ ცერემონიალს შორის, შეგვიძლია გამოვმებნოთ უნივერსალიებზე დამყარებული ტიპოლოგიური მსგავსება.

„ერთ-ერთი მთავარი ელემენტი, რომელსაც [ახალი ბელადის კორონაციის დროს] მნიშვნელოვანი იდეოლოგიური დატვირთვა ჰქონდა, იყო მომავალი ბელადის ხანგრძლივი იზოლაცია განცალკევებით მდგარ ქოხში, რომელსაც საგანგებოდ აშენებდნენ ამ შემთხვევისთვის. გამომწყვდევების მთელი ციკლის კულტინაციას წარმოადგენდა „სიკვდილისა და აღდგომის“ რიტუალი. ამის შემდეგ მომავალი ბელადი იღებდა ახალ სახელს. სამხრეთ სანაპიროს სუნდის ტოში ბელადობის კანდიდატი მცირე ხნით განმარტოვდებოდა გამოქვაბულში, სადაც მათი რწმენით ბინადრობდნენ წინაპართა სულები და, თუ იგი გარეთ აღარ გამოვიდოდა (ასეც მომხდარა ხოლმე), მიიჩნეოდა, რომ წინაპრები დასტურს არ სცემდნენ მის ბელადობას... [ზოგან] კორონაციამდე რაიმე რიტუალურ ქმედებას უნდა გამოვლინა წინაპართა აზრი მომავალი ბელადის კანდიდატურაზე. აღმოსავლეთ კონგოში, მაგალითად, ეს რიტუალი იყო წარმატებული ნადირობა, რომელსაც საგანგებოდ მართავდნენ კანდიდატის გამომწყვდევის პერიოდში (თუ მონადირები ვერ მოკლავდნენ რომელიდაც სახეობის ანტილოპას, ბელადობის კანდიდატი სხვა პირით შეიცვლებოდა).

[10:84-85].

ვფიქრობ, ფარნავაზის ანდრეზის ორი ეპიზოდი – „უკაცურ სახლში“ ყოფნა და ნადირობა ირემზე ტიპოლოგიურ პარალელს პოულობს აფრიკულ საკრალურ ყოფაში, სადაც ამ ორ აქტს ინსტიტუციური სახე აქვს მიღებული.

ცხება

„იხილა მზე ქვე-მდაბლად, მიჰყო კელი მისი, მოჰკოცა ცუარი პირსა მ[ზ]ისასა და იცხო პირსა მისსა“.

ამ ფრაზაში ორი რამ მოითხოვს განმარტებას: „მზე ქვე-მდაბლად“ მდგარი ქვესკნელიდან ამოყვანილი ფარნავაზის წინაშე და „ცვარი“, რომელიც მან მზეს მოსწმიდა და თავის სახეზე იცხო. დავიწყოთ მეორეთი.

ეჭვი არ არის, რომ ამ ეპიზოდით ტექსტის ავტორს სურს წარმოაჩინოს მეფედქცევის რიტუალის, მისი აზრით, ყველაზე მნიშვნელოვანი ნაწილი – ცხება, რომელსაც შეუძლია მთელი მისი სიმბოლიზმი იტვირთოს. მართლაც, ცხება რომ მჭიდროდ და განუყოფლად არის დაკავშირებული მეფობასთან, ამას ბიბლია (ძველი აღთქმა) ადასტურებს. ცხების ნივთიერი მასალა აქ ზეთისხილის ზეთია, რომელიც პურთან და ლვინოსთან ერთად სიუხვისა და მატერიალური დოკუმენტის სიმბოლოებია:

„მიწა გაეხმიანება პურსა და ლვინოს, და ზეთს“ (ოსია, 2:24); „აიგსება ბედლები ხორბლით და გალიცლიცდება კოდები ლვინით და ზეთით“ (იოვ. 2:24).

თუმცა ისინი ადამიანის არა მხოლოდ ნივთიერ, არამედ სულიერი საზრდოსაც წარმოადგენებ:

„რომელმან გამოიდის პური ქაციანით, ლვინომან ახარის გულსა კაცისასა, საცხებელმან მხიარულ-ყვის (დედანში: განაბრწყინებს) პირი, პურმან განამტკიცნის გული კაცისავ“ (ფსალმ. 103:14-15).

თითოეულ მათგანს (პურს, ლვინოს, საცხებელ ზეთს) თავ-თავისი ხასიათის ზემოქმედება აქვს ადამიანზე, როგორც ზემოთ დამოწმებული ფსალმუნის ტექსტი გვამცნობს, მაგრამ ზეთი პურისა და ლვინისგან განსხვავებით ისეთი ნივთიერებაა, რომელიც არა მხოლოდ „განაბრწყინებს (ებრ. ლე-ცაჲილ) პირისახეს“, არამედ მთლიანად განმსჭვალავს ადამიანის სხეულს, ძვლამდე ატანს მისი ზემოქმედება: „შთახდა ვითარცა წყალი ნაწლევთა მისთა და ვითარცა ზეთი ძვალთა მისთა“ (ფსალმ. 108:18). ხოლო თუ გავითვალისწინებთ, რომ ბიბლია ძვალში (ყეცემ), რომელიც ადამიანის ნეშტის უკანასკნელი ზღვარია, პიროვნების იდენტობას ხედავს, ცხადი გახდება, რომ ზეთის ზემოქმედების ძალა სცილდება ბიოლოგიურ ბუნებას და ადამიანის ინდივიდუალობის სიღრმეს სწვდება, მით უმეტეს, თუ ცხება უფლის სახელით ხდება და ზეთიც საგანგებო რიტუალით არის მომზადებული (გამ. 30:22-33). პურისა და ლვინისგან განსხვავებით, ზეთი არ შემოიზღუდება მხოლოდ იმით, რომ ფიზიკურად კვებავს ცოცხალ არსებას, არამედ ის, თავად წმიდის კატეგორიის კუთვნილება, წმიდაყოფს საგნებს, გარდაქმნის მათ ნივთიერ ბუნებას. ზეთის ცხება უხილავ საქარალიზმს ხილულს ხდის (დაბ. 28:16-19, იაკობის კიბის ეპიზოდი).

ძველ აღთქმაში მეფედ ცხების რამდენიმე შემთხვევაა გადმოცემული.

საული იყო პირველი მეფე, რომელიც უფალმა აირჩია ბენიამინის ტომში და სამუელის ხელით ცხო მეფედ, რათა მასზე უფლის სული გადმოსულიყო.

„და აიღო სამუელმა ზეთით სავსე რქა, თავზე დასხა, აკოცა და უთხრა: აჲა, ცხო უფალმა თავისი სამკვიდროს მთავრად“ (1მეფ. 10:1). ამის შემდეგ სამუელი ეუბნება ცხებულს: „ქალაქში შესვლისას შეხვდები გორაკიდან ჩამომავალ წინასწარმეტყველთა გუნდს, რომელთაც წინ მიუძღვებიან ქნარით, დაფდაფით, სტვირითა და ებნით, თავად კი ქადაგებენ. ლვთის სული გადმოვა შენზე და მათთან ერთად გაქადაგდები, სხვა კაცად გარდაიქმნები“ (10:5-6).

როცა საულმა საბედისწერო შეცდომა დაუშვა, დმერთმა პირი იბრუნა მისგან და დავითი – ყველაზე უმცროსი გამოარჩია იესეს რვა

ვაჟიშვილს შორის. „და აიღო სამუელმა ზეთიანი რქა და სცხო მას მისი ძმების თანდასწრებით. და ამ დღიდან და მერეც უფლის სული წარუმართავდა მას“ (1მეფ. 16:13). ორი ცხებული (ებრ. მაშიახ) თანაარსებობდა ერთმანეთის გვერდით. საული, გრძნობდა რა დავითის უპირატესობას, მოსაკლავად დევნიდა მას და, თუმცა დავითს არაერთხელ მისცემია შემთხვევა, მოეკლა საული, მას ხელი არ აღუმართავს ცხებულზე, რადგან ცხებული სხვა ადამიანია და, ამდენად, ხელშეუხებელი. „დღეს მომცა შენი თავი ხელში უფალმა, მაგრამ არ ვინდომე უფლის ცხებულზე აღმემართა ხელი“ (1მეფ. 26:23).

„სხვა კაცად გარდაქმნა“ არსებითია მეფობის სტატუსისთვის. ეს არის გადასვლის რიტუალის ერთი კერძო გამოხატულება: სულის გადმოსვლა მართლაც სრულიად ცვლის ადამიანის ბუნებას – ეს დავინახეთ საულის შემთხვევაში, როდესაც წინასწარმეტყველთა გუნდს ხმა შეუწყო მან, რის გამოც ნათქვამმა სიტყვამ ანდაზის მნიშვნელობა შეიძინა: „ყველანი, ვინც მანამდე იცნობდნენ მას, ხედავდნენ წინასწარმეტყველებთან ერთად გაწინასწარმეტყველებულს და ლაპარაკობდნენ ერთმანეთში: რა დამართა კიშის ძეს, ნუთუ საულიც გაწინასწარმეტყველდა? თქვა პასუხად ერთმა იქაურმა კაცმა: ვინ არის მათი მამა? ასე წარმოიშვა ანდაზა: ნუთუ საულიც გაწინასწარმეტყველდაო?“ (1მეფ. 10:11-12).

კარგად ჩანს ეს გარდაქმნა გედეონის შემთხვევაში (მსაჯ. 6:15). უფლის სული მასზე გადმოდის, ვინც ყველაზე ნაკლებად მოელის ამას. არც საული, არც დავითი, არც მანამდე გედეონი არაფრით იყვნენ გამორჩეულნი; არც მათ საგვარეულოებში იყო რაიმე განსაკუთრებული.

შენიშვნა. შუამდინარეთში მეფედ ცხების კვალი არ ჩანს. არსებობს ცნობა, რომლის თანახმადაც შეიძლება ვივარაუდოთ, რომ ეგვიპტეშიც ყოფილა მიდებული. ყოველ შემთხვევაში, ადდუ-ნირარი, XV ს-ის ეგვიპტის ვასალი, წერს ეგვიპტის ფარაონს თუთმოსე IV-ს, რომ მისმა პაპამ, თუთმოსე III-მ მისი (ადდუ-ნირარის) პაპა გაამეფა ნუხაშეში და ზეთი დაასხა მას თავზე. „დაე, ნურავინ გადააყენებს მეფობიდან მას, ვინც მეფედ ეგვიპტის მეფემ გახადა და თავზე ზეთი დააღვარა“. აქ ჩანს პრეტენზია, რომ ცხებულობა მემკვიდრეობით გადადიოდეს. აქედან ისიც ჩანს, რომ ფარაონის მონაწილეობა ზეთით ცხებაში აძლიერების მეფის ლეგიტიმურობას [11:88].

დავუბრუნდეთ ფარნავაზის ცხებას: „მოჰკოცა ცუარი პირსა მზისასა და იცხო პირსა მისსა“ – პირველ რიგში, უნდა ითქვას, რომ რაკი ეს ცხება სიზმარში ხდება, იგი სიმბოლურია და არ იქნება სწორი, რომ მისი ავთენტურობის საკითხი დაგვსგათ, როგორც რეალურად ჩატარებული რიტუალის მიმართ დაისმებოდა. საქმე ის არის, რომ სიზმრისეული „რიტუალის“ უკან გარკვეული რწმენა-წარმოდგენები დგას. საკითხის ამ მხარეს მოგვიანებით შევხებით, ახლა კი გავარკვიოთ, რა იგულისხმება მზის ცვარში.

ერთ ქართულ ზღაპარში უფლისწული, რომელმაც ნადირობისას ირმისთვის ნასროლი ისარი მზეს მოახველოდა და დაჭრა, ისჯება: დღისით მკვდარია, დამით ცოცხლდება და ტყეში დაეხეტება. გათენდება თუ არა, კუბოში წვება და ელის თავის მხსნელს, რომელმაც მზის პირის ნაბანი უნდა მოუტანოს. მხსნელი ქალწული წავა მზის დედასთან მზის პირის ნაბანს გამოართმევს, ასხურებს მკვდარ უფლისწულს გააცოცხლებს [12:17-24].

მზის წინაშე მდგარი ფარნავაზი, რომელიც ახლახან ამოვიდა „უკაცური სახლიდან“, ჯერ კიდევ მკვდარია და ასეთად დარჩება, ვიდრე მზის ცვარს არ იცხებს პირისახეზე. მხოლოდ მზის ცვარი გააცოცხლებს მას, მაგრამ მზის ცვარს, განსხვავებით ზღაპრული მზის პირისნაბანისგან, კიდევ ერთი დატვირთვა აქვს: იგი არა მხოლოდ აცოცხლებს ფარნავაზს, არამედ მეფედ ხდის მას. უნდა ჩავთვალოთ, რომ ამ ერთი აქტის ორი შედეგი (გაცოცხლება და გამეფება) ერთდროულია.

ა. მ. ჰოკარტის (ოკარტ) დაკვირვებით, მეფედკურთხევა აუცილებლობით გულისხმობს რიტუალურ სიკვდილს და მეორედ შობას უკვე მეფის სტატუსში. კვდება კერძო კაცი და იბადება მეფე, საკრალობასთან ნაზიარები პიროვნება. სქემა ასეთია: სიკვდილი-შობა-კორონაცია. დაკრძალვის რიტუალები, რომლების ძალითაც ხდება მკვდარი ფარაონის ღმერთად ქცევა იმ რიტუალის იგივეობრივია, რომლის ძალითაც ფარაონი მეფე გახდა [13:70,84].

შენიშვნა. თავისი არსით მეფედ კურთხევა ნათლისდების ტიპოლოგიურია, რომლის დროსაც კვდება ძველი კაცი და იბადება ახალი კაცი (იხ. რომ. 6:2-8).

„მზის წილი“

ორი წინადადებით გამოხატული ფარნავაზის მარტივი მოქმედება – „მოპტოცა ცუარი პირსა მისასა და იცხო პირსა მისსა“ – გარდა ცხებისა, დამატებით კიდევ იმის ნიშანია, რომ ფარნავაზი ამიერიდან მზესთან არის წილნაყარი, მისი ბუნების თანაზიარი ხდება, რაც მკვიდრად ზის ქართულ ტრადიციაში. მზისწილობა „ვეეფხისტყაოსნის“ ჩვეული ტოპოსია, თუნდაც ამ სტროფში გამოხატული:

„მზე უშენოდ ვერ იქმნების, რადგან შენ ხარ მისი წილი,

განადამცა მას ეახელ, მისი ეტლი არ თუ წბილი!“

შესაძლებელი მაგალითების გამრავლება.

მეფე-მზის (თუ მზე-მეფის) მითოლოგება, რომელიც კლასიკური სიცხადით არის გამოხატულ აქადურ ენაზე, სახელდობრ: „მეფე – ღმერთების ხორცი, მზე თავისი ხალხისა“, რეალიზებულია სხვადასხვა კულტურებში. თუ დავიწყებთ შუმერიდან, პირველი მეფე, რომელიც ნახსენებია, მზის ნიშნებით ხასიათდება. ეს არის ურუქის პირველი მეფე მესქიაგაშერი, მზის ძე (დუმუ-უთუ), რომლის მითოსის შინაარსი ოთხსიტყვიანი მითოლოგებით არის შემორჩენილი: „ზღვაში შევიდა, მთაზე ავიდა“ [14:84-86], რაც მზის მოძრაობას გამოხატავს, დღის მნათობისა, რომელიც ჩადის ზღვაში და ამოდის მთიდან.

თუმცა აქადელთა ნარამსინი მზის შვილად არ არის წოდებული, მაგრამ მისი მზიურობის მითოლოგება: „ნარამსინი აქადის ტაძრიდან მზესავით გამობრწყინდა“ [15:192]; ასევე შულგი თავის განმადიდებელ პიმნში პირდაპირ აცხადებს: „ხახადადებული ლომი – მზის ღმერთისა ვარ“ [15:192], თუმცა ამ პიმნში ეს მეფე შუმერის ყველა ღმერთის ნიშნებით არის აღჭურვილი).

ირანელთა პირველი მეფე (ან პირველ-კაცი) ჯიმა (ან იიმა) ასევე მზის ღმერთის ვიგაპვანტის ძეა და თავადაც მზესავით ბრწყინვადა. ის იყო, როგორც ჩანს, მეფური დიდების – ხვარნას პირველი მატარებელი.

პაპაკის სიზმარში სასანის თავიდან ამოსული მზე მთელ ქვეყანას ანათებდა [9: 42]. ეს იყო მისი მეფური ნიშანი, რადგან სასანი, იმჟამად

მწყემსი, დარიოსის შთამომავალი იყო. სასანმა შვა არდაშირი, რომელსაც გადაეცა ირანელ მეფეთა ხვარნა.

ფარაონის ტიტულატურის მეხუთე პუნქტში ფარაონი დასახელებულია მზის ღმერთის რაეს ძედ. იგი ითვლებოდა დედოფლისა და მზის ღმერთის ნაშობად, ანუ მამა ფარაონი მზის ღმერთის სახელით ეუდლებოდა თავის დედოფალს... ამიტომაც მზის ღმერთს ამონ-რაეს ცენტრალური ადგილი უჭირავს ფარაონის კორონაციის რიტუალში. მეფის მზის შვილობის კონცეფციამ ალექსანდრეს ეპოქამდე გასტანა. თავად ალექსანდრე, რაც ფარნავაზთან დაკავშირებით საგულისხმოა, ეგვიპტური ტრადიციით, მოკვდავი ქალისა (ოლიმპიადას) და ამონის, მზის ღმერთის, შვილად გამოცხადდა... [16:150-151]. ფარაონის სიკვდილი ამგარად არის აღწერილი: „ავიდა ღმერთი თავის ჰორიზონტზე, მეფე ზემო და ქვემო ეგვიპტისა – სხოტეპებრა აყვანილ იქნა ცაზე. იგი შეუერთდა მზეს...“ [17:338].

განბი

არ არის მოულოდნელი, რომ მონადირის მიერ ნადირის ძიება და მის კვალს მიღევნება სულიერ ძიებად იქნას გააზრებული, როგორც ეს სუფიურ პოეზიაში ან გერმანულ მისტიკაში დასტურდება. მაისტერ ეკარტი ლაპარაკობს ადამიანის სულზე, რომელიც ინადირებს თავის „მსხვერპლს“ – ქრისტეს [18:213]. ქართულ სინამდვილეში ამის მკაფიო მაგალითია მირიანის გამოცდილება და განსაცდელი თხოთის მთაზე, რომელიც მას ნადირობისას შეემთხვა.

ნადირობასთან დაკავშირებულია განსაცდელი, უცნობი სამყაროს ხილვა, ჩვეულებრიობის საზღვრების გადალახვა, ან იმ ზღურბლის მიღწევა, საიდანაც იწყება სხვა, აქამდე განუცდელი სამყარო. ყოფიერებაში შემოდის სიახლე, რომელიც კარდინალურად ცვლის სტატუს ქუო-ს. ძელი ეპოსები ასახავენ ამ მომენტს, როდესაც სანადიროდ გასვლით, ერთი მხრივ, იკვრება კვანბი, მეორე მხრივ, ფართოვდება მოქმედების არეალი. ასეა „ვეფხისტეფაოსანში“: ავთანდილის ინიციატივით გამართული ნადირობა, გარდა იმისა, რომ თავისი შედეგით გაუქარვებს მჭუნვარებას მეფეს, რომელიც დარწმუნდება თავისი გაზრდილის ლირსებაში, გახდება პირობა „უცხო მოქმის“ გამოჩენისა, რომლის საიდუმლოს ამოხსნას ემსახურება მთელი პოემა. „ნახეს უცხო მოქმე ვინმე, ჯდა მტირალი წყლისა პირსა“ – ამ სიუცხოვის ხილვა ნადირობამ მოიტანა, როცა მონადირენი მიადგნენ „წყლისა პირსა“, სადაც უკვე თავდებოდა არაბთა სამეფო, ანუ „ჩვენის“ ნიშნით ადგეჭდილი ქვეყანა და იწყებოდა უცხო მხარე, უცხო თავგადასავლის ასპარეზი. გარკვეული აზრით, ტარიელი და მთელი მისი ამბავი ავთანდილის მონადირებულია. „ამირანდარეჯანიანის“ სიუჟეტიც ნადირობის წყალობით იხსნება: მეფე აბესალომი დაედევნება უცხო ქურციქს, რომელიც შვიდი დღის შემდეგ უცხო მხარეში („ქვეყანა უცხოდ აუზნდა“) მიიყვანს მას, თავად კი კლდეში გაუჩინარდება. მის ნაცვლად მათ წინაშე ქვითკირის სახლი აღიმართება, რომლის შიგნით კედლებზე საბრძოლოდ შემოსილ ჭაბუქთა სახეებია გამოხატული. ეპოსის მთელი შინაარსი ამ ჭაბუქთა თავგადასავალს შეადგენს.

შენიშვნა. ხევსურული ანდრეზები ჯგარ-ხატების აღმოჩენას და მათ დაარსებას სალოცავებად მონადირეთა გამოცდილებას მიაწერენ. ერთადერთი მონადირეა, რომელსაც შეუძლია გააღწიოს სოფლის საზღვრებს და ტრანსცენდენტულ სივრცეში მოხვდეს, სადაც იმ რიგის სინამდვილის მხილველი ხდება, როგორიც

შინ მყოფთათვის მიუწვდომელია. მონადირეები ხშირად ჯვარ-ხატთა მკადრეებია, ანუ მათი რჩეულები, და მსახურები (ხუცეს-დეპარტები) ხდებიან [6, 63-67].

ფარნაგაზისთვის, რომელიც იყო „მონადირე კელოვანი“, უკანასკნელი ნადრობა საბედისწერო (კეთილი აზრით) აღმოჩნდა. სიზრისეულმა გამოცდილებამ ცხადში მიიღო ადექვატური ხორცშესხმა. საფრთხის კულმინაციას, რომელიც ფარნაგაზის მცხეთაში აზოსგან ელოდა, დაემთხვა (ცხადია, არა შემთხვევით) განძის პოვნა, რომელიც ორ ერთმანეთის შემავსებელ ასპექტს შეიცავს: პირველ რიგში, განძი არის მატერიალური სახსარი ქვეყნის გასათავისუფლებლად უზურპატორისგან, რამაც ფარნაგაზის მისცა გადამწყვეტი უპირატესობა იმისთვის, რათა ქვეყნის წინამდობლი გამხდარიყო. განძი, ასევე, აძლევდა მას ქარიზმას, რომლის ქართული (თუმცა დიალექტური: ხევსურული) შესატყვისი დავლათი ამავე სიტყვის – დოვლათის ვარიაციაა, რაც იმას ნიშნავს, რომ მატერიალური ქონება ქარიზმის ნიშანია (რუსული ნიგარები მომდინარეობს სიტყვიდან ნიგარების მიმდევაში): ქონება მხოლოდ დვთის რჩეულებს შეიძლება ჰქონდეთ.

მეორე მხრივ, განძის პოვნა და რაიმეს პოვნა, თავისთავად უკვე ხარიზმის ნიშანია. სხვაგვარად თუ ვიტყვით, იგი უკვე მოასწავებს ფარნაგაზის უფლებას მეფობაზე, რადგან განძის ქვაბი მხოლოდ მას გაეხსნება, ვინც ქვეყნის პატრონად არის დაბადებული. თუ მ. გებერი წარმატებული საქმოსანის დვთიურ მოწოდებაზე ლაპარაკობს [19], უფრო მეტად განძის პოვნის სიუკეტი (მითოლოგება) გვეუბნება ფარნაგაზის, როგორც მეფის, დასაბამიერ მოწოდებაზე.

აქ ისმის კითხვა: ვისია ეს განძი, ვის ეკუთვნის ის? განძი ეკუთვნის მას, ვისაც ეკუთვნის ის მიწა, სადაც დამარხულია იგი, ანუ განძი ქვეყნის პატრონისაა, რომლის გამოჩენასაც ელის იგი. ვახუშტი ბატონიშვილს თავის „აღწერაში საქართველოსა“ მოჰყავს ფშაველ-ხევსურთა ერთი დირსშესანიშნავი ჩვეულება: „ვერცა ფშავი, ვერცა ბევსური, უპეთუ იშოვნოს ოქრო ან ვეცხლი, ვერარაიდ იგმარებენ თავისად, არამედ მიუძღვნის ლაშას ჯუარსა...“ [4:533]. აღიარებენ რა ლაშარის ჯვარს არა მხოლოდ თავის პატრონად, არამედ მთელი არემარის პატრონად, ფშაველ-ხევსურნი მიართმევენ ნაპოვნ ოქრო-ვერცხლს არა მხოლოდ როგორც საპატიო ძღვენს, არამედ როგორც მის კუთვნილ ქონებას.

„ქართლის ცხოვრებაში“ არის ცნობა მეფეთაგან განძის დაფლვისა. „მაშინ (არაბობის ხანაში, ზ.კ.) ყოველნი ნათესავნი ბერძენთანი წარჩინებულნი ჰყლვიდეს ქვეყანათა შინა განძთა, რათა რაჭამს გამოვიდენ, პოვნენ განძნი იგი და არდარა ნახონ ჭირი წადებისა და კუალად გამოდებისა...“ [1:231]. ასევე ქართლში:

„ხოლო სტეფანოს ესხნეს ორნი ძენი არჩილ და მიპრ. და განუყო ყოველი ხვასტაგი სამეფოსა მისისა, საგანძური ოქროსა და ვეცხლისა და თუალთა პატიოსანთა. და ნახევარი წარიდო ქვეყანასა ეგრისსა და წარიყვანა ძე თვეს პირმშო მიპრ, და ნახევარი საქონელისა მისისა მისცა არჩილს, უმრწემესსა ძესა თვესსა. ხოლო არჩილ დაპფლა საგანძური უფროსი ჭევსა კახეთისასა; ხოლო სამსახურებულნი ოქროსა და ვეცხლისანი ჭევსა უჯარმოსასა, და საგანძურნი ქართლისა და ჯვახეთისანი დასხნა გორს, რომელი მანვე ერგალე განაჩინა სამალავად განძთა მათოვს, რომელნი თანა ვერ წარპქონდეს. სახელი გორისა მის არს ტონთიო, რომელ არს თარგმანებით „მთა ოქროსა“. და დასუა მათ ზედა ტილისმი, რათა ვერვინ შეუძლოს გამოდებად. ხოლო საგანძურნი ყოველთა

ქართლისა გვლესიათანი დაფლნა აჩრდილსა დიდისა სიონისასა მცხეთას". [1:232-233].

შენიშვნა. აქაც განძის ერთი ნაწილი ისევე, როგორც ფარნავაზის შემთხვევაში, დახასიათებულია როგორც „სამსახურებელი თქროსა და ვეცხლისანი". ასევე მეფის მიერ დაფლული განძი ისევ მეფის ხევდრი უნდა იყოს. მხოლოდ მეფეს ან სამეფოდ იმთავითვე განწესებულს შეუძლია ახსნას ტილისმი (თილისმა) და დაეუფლოს განძს, როგორც ამას თვალნათლივ აჩვენებს პეროდოტეს მიერ მოთხრობილი სკვითური მითოსი სკვითების ქვეყანაში მეფობის წარმოშობის შესახებ. პეროდოტეს სკვითურ ანდრეზში მხოლოდ უმრწემესი სამ მმაში შეძლებს მიუახლოვდეს და ხელპყოს ციდან ჩამოცვენილ ოქროს ნივთები, რომელთაც ცეცხლის ძალით განირიდეს ორი მმა. უმრწემესის, კოლაქსაისის, წინაშე ცეცხლი ჩაქრა და ოქროს ნივთები „დანებდნებ“ მას. მმებმა აღიარეს უმრწემესის პრივილებია და მთელი ძალაუფლება მას გადასცეს. მისგან დაიწყო სკვითების სამეფო დინასტია, რომლის საღვთო რელიკვიად ეს ოქროს საგნები გამოცხადდა (პეროდოტე. ისტორია, IV, 5, 7).

ფარნა (ხვარენა)

საბოლოოდ, სიზმარში მზის ცვარის ცხების ძალით ფარნავაზზე გადმოდის მზის წილი, მეფური დიდების სახით, რომელიც ფალაურად გამოითქმის როგორც ფარნა, ავესტის ენაზე ხვარენა, „ბრწყინვალება“, „დავლათი“, „შარავანდი“ [20:499], რაც აისახა კიდეც მის სახელში – ფარნა-ვაზ „დიდფარნიანი“ (სავარაუდოდ *ფარნა ვაზრაკა „ფარნა დიდი“). ეს არის ბერძნული ხარიზმა, რომლის ქართული შესატყვისია დავლათი (ხევსურულ ტექსტებში) ან სვე (ლიტერატურულ ტექსტებში).

ფარნავაზმა მეფური ხვარენა//ფარნა სიზმარში მოიპოვა და შემდეგ ცხადში რეალურად განიმტკიცა, როდესაც ნაპოვნი განძი იმ ძალად აქცია, რომელმაც შეაძლებინა უზურპატორის განდევნა ქვეყნიდან და მერე მეფობის მოპოვება. ხვარენა//ფარნა ირანული კონცეპტია, რომელიც სამეფო ხელისუფლებას თან ახლავს, როგორც მისი განუყრელი ატრიბუტი. მეფე გამეფების დღიდანვე ატარებს ხვარენას, თუმცა იგი მისი საკუთრება არ არის – იგი აჟურამაზდას შექმნილია – და მოსალოდნელია, წაერთვას მას და სხვაზე გადავიდეს. ეს ხდება დინასტიის შეცვლისას, როცა ხვარენა, სტოვებს დინასტიის უკანასკნელ წარმომადგენელს და სხვა დინასტიის დამაარსებელზე გადადის. არდაშირს, სასანიანთა დინასტიის ფუძემდებელს, რომელიც თავად სამეფო წარმოშობის იყო გაქცევისას თან გაჟყვა ირანელ მეფეთა ხვარნა ერთი დიდი და მსუქანი ცხვრის სახით. ეს იმის ნიშანი იყო, რომ ხვარენამ იგი აირჩია სამეფოდ. ამის შემდეგ არდაშირის ყოველი ნაბიჯი წარმატებული იყო.

სამეფო დიდება, ცხადია, უხილავია, მაგრამ მას აქვს ნივთიერი გამოხატულებანი. ერთ-ერთი მათგანი მსუქანი ცხვარია. ცხვრის სიმსუქნე ოდენ ნივთიერი დოვლათის ნიშანი არ არის, ის უფრო მეტად დავლათზე მიანიშნებს. როცა პაპავმა სასანის მეფური წარმოშობის ამბავი მოისმინა მისგან, უთხრა: „გასუქდი“ და თავისი ასული მიათხოვა ცოლად, რომელმაც სასანს არდაშირი უშვა [9:43]. თუ მსუქანი ცხვარი, რომელიც მწყემსობის ნიშანია (და სასანი სწორედ მწყემსი იყო), ხვარენის სისავსეზე და სრულყოფილებაზე, არდაშირის მეფობის სიუხვეზე მიგვანიშნებს, ხვარენა

სხვა სიმბოლური სახითაც ვლინდება მატერიალურ სინამდვილეში. ეს არის სამეფო გვირგვინი, რომელიც თავისი კონფიგურაციით ბრწყინვალების გამოხატულება, რასაც მისი საყოველთაოდ მიღებული მასალა – ოქრო და ფორმა მოწმობს. ფანაგაზის მიერ ნაპოვნი ოქროს განძის ნაწილი სწორედ სამეფო გვირგვინში გადაიცვალა: „ამან ფარნავაზ წარავლინნა მოციქულნი წინაშე მეფისა ანტიოქოს ასურასტანისა, და წარსცა ძღუენი დიდძალი... ხოლო ანტიოქოს შეიწყნარა ძღუენი მისი და უწოდა შვილად თუსად, და წარმოსცა გპრგპნი...“ გვირგვინი კი უხილავი ბრწყინვალების ნივთიერი ნიშანია.

დასასრულ, სანამ შეგაჯამებდეთ ზემოთ ნათქვამს, წავიკითხოთ ეს ტექსტი ტიპოლოგიურ ჭრილში, რამდენად ეხმაურება იგი ფარნავაზის სიზმნრის საზრისს.

„10. გავიდა იაკობი ბერშებადან და გაემართა ხარანს. 11. და მიადგა ერთ ადგილს და იქ დაიღამა, რადგან მზე ჩასული იყო. და აიღო ერთი ლოდი იმ ადგილიდან, დაიდო სასოფტმალად და დაწვა იმ ადგილას. 12. და ესიზმრა: აჲა, მიწაზე კიბე დგას და თავით ცას სწვდება, და უფლის ანგელოზები ადიან და ჩამოდიან კიბეზე. 13. და, აჲა, უფალი დგას კიბეზე და ეუბნება: მე ვარ უფალი ლმერთი, ლმერთი აბრაამისა, მამაშენისა, და ლმერთი ისაკისა. ეს მიწა, რომელზეც წევხარ, შენთვისა და შენი შთამომავლობისთვის მომიცია. 14. შენი შთამომავლობა ქვიშასავით მრავალრიცხოვანი იქნება და განივრცობა დასავლეთისკენ, აღმოსავლეთისკენ, ჩრდილოეთისკენ და სამხრეთისკენ. შენი და შენი შთამომავლობით იკურთხება მიწიერთა მთელი მოდგმა. 15. და, აჲა, შენთანა ვარ და ყველგან დაგიფარავ, სადაც კი წახვალ. და კვლავ დაგაბრუნებ ამ მიწაზე, არ მიგატოვებ, ვიდრე არ აგისრულებ ყველაფერს, რაც გითხარი. 16. და გამოფხიზდა იაკობი მილისგან და თქვა: ნამდვილად უფალი ყოფილა ამ ადგილას, მე კი არ ვიცოდი. 17. და შეეშინდა და თქვა: რა საშიში ყოფილა ეს ადგილი. სხვა რა უნდა იყოს, თუ არა უფლის სახლი. ეს ცათა კარიბჭეა. 18. და ადგა დილაადრიანად იაკობი, აიღო ლოდი, სასოფტმლად რომ ედო, აღმართა სვეტად და ზედ ზეთი დადგარა. 19. და უწოდა იმ ადგილს ბერელი (სახლი დავთისა). უწინ კი ამ ადგილს ლუზი ერქვა“ (დაბ. 28:10-19).

იაკობს ეს ფუძემდებლური სიზმარი მისი ცხოვრების გარდატეხის ჟამს ქვეყნიდან განსვლისას, მის საზღვარზე, დაესიზმრა: იგი დევნილია თავისი ძმისგან, ესავისგან, რომელსაც მამის კურთხევა გამოსტყუა. ამიტომაც აღარ დაედგომება მამის სახლში და დედა აგზავნის დედულეთში, ხარანში, რომელიც ფარნავაზის დედის ასპანად უნდა ვიგულოთ, ვინძლო თავი შეაფაროს, ვიდრე ესავს რისხვა არ გადაუვლის. საგულისხმოა, რომ აქაც მონადირეობა მონაწილეობს კურთხევის ერთგვარ ლეგიტიმაციაში.

„და შეიქნა ესავი მარჯვე მონადირე, ველების კაცი, იაკობი კი იყო სრული კაცი, კარვებში მცხოვრები. უყვარდა ისაკს ესავი, რადგან ნანადირევი იყო მისი საჭმელი, ხოლო რებეკას იაკობი უყვარდა“ (დაბ. 25:27-28).

მთავარი აქ მამის ნებაა, მაგრამ უსინათლო ისაკმა ვერ გამოიცნო ტყუპისცალებს შორის, რომელი იყო აღთქმის შვილი, რომელსაც უნდა მიეღოს მისი კურთხევა, რათა მომავალი ერის ეპონიმი გამხდარიყო. პირმშოთის გარდა, ესავის უპირატესობა მონადირეობაშია: ის ფარნავაზივით ხელოვანი მონადირეა. მაგრამ დვთის განგებაში, რომელიც

წარმართავს ბიბლიას, მონადირეობა არ მონაწილეობს. იაკობი დედის შვილია, როგორც ფარნავაზი; დედა კი სახლშია, როგოროც სახლის პრინციპი, და შვილის მარადის მასთან არის. მათ ორივეს დედა მფარველობს და რჩევას აძლევს. მათი მოწოდების – ერთისა მამამთავრად (პატრიარქად), მეორისა სამეფოდ – ლეგიტიმაციას სხვა, არატრადიციული, ამდენად არა მექვიდრეობითი წყარო აქვს: იაკობი არც პირმშოა და არც მამას უყვარს; ფარნავაზი მხოლოდშობილია და ობოლი და, თუმცა იაკობისგან განსხვავებით იგი დედულების არ აფარებს თავს, მაინც მისი მომავლის (მეფობის) გასაღები მამის სახლში არ ძევს.

მონადირეობა უარყოფილია, მაგრამ ძალაში შემოდის ცხება, თუმცა ზეთს იცხება არა იაკობი, არამედ ის ქვა, რომელიც მას სათუმლად ჰქონდა. ეს იყო უბრალო, არაფრით გამორჩეული ქვა, რომელიც მხოლოდ თავქვეშ ამოსადებად თუ ივარებდა, მაგრამ ის იმ ადგილიდან იყო აღებული, სადაც იაკობს მისი ბედის განმსაზღვრელი სიზმარი დაესიზმრა. ეს წმიდა ადგილი იყო და იქ მდებარე ქვა წმიდაყოფის ნიშანს მოითხოვდა. ზეთისცხებამ უბრალო ლოდი საკულტო სვეტად შექმნა. მაგრამ თავად იაკობის, როგორც მამამთავრული წინამდლოლობის, მისის ლეგიტიმაციისთვის ზეთისცხება არ ყოფილა გამოყენებულა. მოგვიანებით, ზეთისცხება მხოლოდ ექვსასი წლის შემდეგ დაკანონდა მეფედქცევის რიტუალში (1მეფ. 10:1). პატრიარქების ხელისუფლების წყარო მამის კურთხევა იყო, მაგრამ არა მხოლოდ. კურთხევა პირმშოს ეკუთვნის და, რაკი იაკობი პირმშო არ იყო (თუმცა მან მოტყუებით მიიღო კურთხევა უსინათლო მამისგან), მას ესაჭიროებოდა ლეგიტიმაციის სხვა წყარო, რომელსაც სათავე ტრანსცენდენტურ სამყაროში ექნებოდა. ეს მოხდა სიზმარში, სადაც იაკობმა თავისი თვალით, როგორც ფარნავაზმა მზე, დმერთი იხილა. ფარნავაზის სიზმრისგან განსხვავებით, იაკობის სიზმარი ვერბალიზებულია და მასში (დვთის სიტყვებში) არაფერია ისეთი, რომელსაც განმარტება დასჭირდებოდა. და იაკობიც თამამად გაემართება ბედისწერის შესახვედრად. თუმცა მას კიდევ ჰქონდა შეხვედრა, სადაც მისმა, როგორც ხალხის მამამთავრის, მისიამ საბოლო ლეგიტიმაცია მიიღო. როცა უკან ბრუნდებოდა დედულეთიდან, მდინარე იაბოკზე (ეს სახელი იაკობის სახელის ანაგრამულია) გადასვლისას, შეერკინა უხილავ ძალას და გაუძლო. ნამდვილად მან, ფარნავაზივით, ანგელოზი იხილა ქვემდაბლად და მიიღო მისგან ახალი, არა პირმშოებითი კურთხევა. ძველი პრივატული სახელი იაკობი ისრაელად შეიცვალა, მსგავსად ქართველთა პირველი მეფისა, რომელმაც სამეფო სახელი იმ სიზმრისეული გამოცდილების შემდეგ მიიღო.

დასკვნა

მართალია, მამასახლისის ოჯახიდან წარმომავლობა გარკვეულ ლეგიტიმურობას ანიჭებს აჯანყებულ ფარნავაზს, ყოველ შემთხვევაში, ეგრისელი ერისმთავრის ქუჯის თვალში ეს ასეა, მაინც ფარნავაზის მეფობა შენდება არა მამასახლისობის ბაზაზე, არამედ მეტაფიზიკურ საწყისზე. სხვაა წყარო მამასახლისობისა და სხვაა წყარო მეფობისა. ისინი განსხვავებულ სფეროებს ეკუთვნიან, როგორც სოციალურ, ისე მენტალურ-იდეოლოგიურ ჰრილში.

ყველაფერი, რაც ფარნაგაზის სიზმრისა და ცხადის იგავურ ნარატივში რეალიების, სიმბოლოებისა თუ მითოლოგების სახით მონაწილეობს, ორ რამეს ემსახურება: აჩვენოს მეფობის ციური (კერძოდ, მზიური) წარმოშობა და რომ ფარნაგაზი მეფობას უშუალოდ მისი წყაროდან იღებს. თუ ობოლს და მიუსაფარს, წუთისოფლის გერს, ერთი მხრივ, დასაღუპავად ემუქრებიან წუთისოფლის ძალები, მეორე მხრივ, მას დიდი მომავალი ელის: მისი ობლობა რჩეულობას ინახავს. თუ „უკაცურ სახლში“ ყოფნა, ერთი მხრივ, მის სიკვდილს, სხვანაირად, ემბრიონალურ მდგომარეობაში დაბრუნებას მოახსავებს, მეორე მხრივ, სწორედ აქედან იწყება მისი აღორძინება ახალ სტატუსში. თუ, ერთი მხრივ, მზის ცვარი სიცოცხლეს უბრუნებს მას, მეორე მხრივ, მეფობის სუბსტანციით ავსებს, რაც ცხადში მისი ახალი სახელით გამოიხატა. თუ მონადირეობაში წარმატება სამონადირეო მითოსის თანახმად, რჩეულობის ნიშანია, იგივე წარმატება გამოვლენს მეფობის დასაბამიერ კანდიდატს, როგორც რჩეულს, თუმცა ეს წარმატება ხიფათის წინაშე აყენებს მას, მაგრამ ეს ხიფათი აუცილებელი ზღურბლია, რომელიც უნდა გადაილახოს ახალ საფეხურზე ასასვლელად. იგივე მზე, ირმის სახით გამოცხადებული, მიაგნებინებს განძს, რომელიც ასევე მზის ამქვეყნიური მანიფესტაციაა და, თუ, ერთი მხრივ, ნივთიერ სახსარს აძლევს მას ქვეყნის სახსნელად, მეორე მხრივ, მისი მეფობის ლეგიტიმაციის ნივთიერი ნიშანია.

თუმცა ჩვენთვის უცნობია, თუ როგორი სახე პქონდა გამეფების ცერემონიალს იმ ეპოქაში, კერძოდ, არსებობდა თუ არა ცხების რიტუალი ან რა მონაწილეობა პქონდა „მეფეთა სპორტს“, მაგრამ ამ იგავის სიუჟეტი ამ სახით უთუოდ რეალობას უნდა გამოძახილი უნდა იყოს.

damowmebuli literatura

1. qarTlis cxovreba I, Tb., 1955.
2. ioane petriwi, ganmarteba prokla diadoxosis `RmrTismetyvelebis safuZvlebi~ [damana meliqiSvilis gamocema], Tsu, 1999.
3. *Франк С. А.* Сочинения, М., Изд. «Правда», 1990.
4. vaxuSti batoniSvili `aRwera samefosa saqarTvelosa~ (qarTlis cxovreba IV, Tb., 1973).
5. Thureau-Dangin Fr. Une relation de la huitième campagne de Sargon, Paris, 1912.
6. kiknaZe z. qarTuli miTologia I, jvari da saymo, quTaisi, 1996.
7. Оппенхейм А. Лео. Древняя Месопотамия, «Наука», М., 1980.

8. Хрестоматия по истории древнего Востока, Под редакцией акад. В. В. Струве и Д. Г. Редера, Изд. Восточной литературы, М., 1963.
9. ardaSir papakis Zis saqmeTa wigni, falauridan Targmna, gamokvleva da leqsikoni daurTo Teo CxeiZem, Tb., `mecniereba~, 1975.
10. Томановская О. С. Лоанго, Каконго и Нгойо, Историко-этнографический очерк, «Наука», М., 1980.
11. Cimmerli W. Old Testament Theology in Outline, Edinburgh [1987].
12. xalxuri sibrZne II, qarTuli zRaprebi, Tb., `nakaduli~, 1964.
13. Hocart A. M. Kingship, London, 1927.
14. The Sumerian King List by Thorkild Jacobsen, Assyriological Studies No. 11, The University of Chicago [193].
15. kiknaZe z. Suam dinarului miTologia, Tb., `sabWoTa saqarTvelo~, 1979.
16. Коростовцев М. А. Религия древнего Египта, «Наука», М., 1976.
17. Котрелл Л. Во времена фараонов, «Наука», М., 1982.
18. Jean Chevalier, Alain Gheerbrant, Dictionnaire des symboles, Paris [1982],
19. veberi m. rCeuli nawerebi religiis sociologiaSi, Tb., `marsi”, 2004.
20. andronikaSvili m. narkvevebi iranul-qarTuli enobrivi urTierTobidan, Tsu, Tb., 1966.

ზურაბ კიქნაძე

მეფობის ლეგიტიმაციის ტიპოლოგია და
ცხოვრება ფარნაგაზისი

თემისები

უოველი ხელისუფლება, რომელიც კი არსებულა კაცობრიობის ისტორიაში, რა ტიპისა და წარმოშობის არ უნდა იყოს იგი, ბუნებრივად საჭიროებს ლეგიტიმაციას, ავტორიტეტულ გამართლებას როგორც საქუთარი მოსახლეობის (ქვეშევრდომთა), ისე მეზობელი ქაყანების თვალში. ჩვენი უერადღების საგანია მეფობის ინსტიტუტი, ხელისუფლების ერთ-ერთი უელაზე გავრცელებული ფორმა, რომელსაც შეგვიძლია თვალი გავადევნოთ უძველესი ხანიდან რამდენიმე ათასწლეულის მანძილზე სხვადასხვა კულტურებსა თუ ცივილიზაციებში, რამდენადაც მის შესახებ წერილობითი ძეგლები ლაპარაკობენ. ლეგიტიმაციის ტექსტები სხვაობენ სამეფო თუ სამთავრო დინასტიების მიხედვით, ისინი შეიცავენ კომპონენტებს, რომელთა ხარისხს და ტიპოლოგიას განსაზღვრავს საზოგადოების კულტურული თუ პოლიტიკური განვითარების დონე, და კვებავს რელიგიური თუ მითოლოგიური წარმოდგენები.

ჩვენთვის ამოსავალია სიუჟეტი (ფარნავაზის სიზმარი და ცხადი), რომელიც ისტორიულ თხზულების „ცხოვრება ფარნავაზისი, რომელი იყო პირველი მეფე ქართლისა“ შესავალ ნაწილს წარმოადგენს და სადაც მეფობის ლეგიტიმაციის მითის ერთ-ერთი უელაზე სრული (მითოლოგების მთელი კომპლექსის შემცველი) ვარიანტი დასტურდება.

იმისათვის რომ ტექსტის იდეოლოგიური და, უფრო ზოგადად, სოციალური შინარხი საბოლოოდ იქნეს გაცნობიერებული, აუცილებელია ფუნქციურად მსგავს ტექსტებთან მისი ტიპოლოგიური შედარება. ასეთ ტექსტებს შორის კულტურული კონტექსტის მიხედვით უველაზე რელევანტურია სასანიანთა წარმომავლობის მითი (არდაშირ პაპაკის ძის გამეფება) და საულისა და დავითის ბიბლიური ეპიზოდი. ფარნავაზის ცხოვრების ზოგიერთი მითოლოგემა, როგორიცაა, მაგალითად, მზის ცვარით ცხება, ტიპოლოგიურ პარალელებს შედარებით უფრო შორეული ამ კონტექსტში არ შეიძლება გვერდი ავუაროთ ბაგრატიონთა დინასტიის დაარსების ხალხურ ვერსიებს, რომლებიც მეფობის ლეგიტიმაციის არქაული მითოლოგებით არის გადმოცემული. მეფობის ლეგიტიმაციის ნარატივები შეიძლება დადასტურებულ იქნას უკვე ლიტერატურულად გაფორმებულ ეპიურ ტექსტებშიც. საილუსტრაციოდ კმარა “გვეხისტყაოსნისა” და არგონავტების მითის მაგალითების განხილვა.

3. Кикнадзе,
профессор ТГУ

Типология легитимации царской власти
и «Житие Парнаваза»
(Резюмэ)

Любая власть, какого типа и происхождения она ни была, естественно нуждается в легитимации, авторитетном оправдании перед лицом собственного народа и внешнего мира, и хотя бы перед собственным судом. Мы сосредоточиваем внимание на институте царства, на одной из более распространенной форме власти, имея возможность наблюдать за ее возникновением и функционированием в разных цивилизациях и культурах древнего мира. Тексты легитимации содержат реалии идеологического (религиозного и мифологического) порядка, качество и характер которых определяется культурным уровнем данного общества. Исходным текстом для исследования служит сюжет из исторического нарратива о Парнавазе

(«Житие Парнаваза»), родоначальника первой царской династии в Грузии, именно, сон Парнаваза, содержащий целый комплекс мифологем и символов, связанных с концепцией происхождения царской власти (как то, «солнечная роса», царская охота, нахождение клада...).

Z. KIKNADZE
Professor of TSU

Typology of the Legitimation of Royal Power
and the “Life of Parnavaz”

Summary

Any power, irrespective of its type and origin, naturally, stands in need of legitimization, authoritative justification in the face of its own people and the outer world – even in the face of one's own judgment . The author focuses attention on the institution of kingship – one of the more widespread forms of power – being in a position to follow its origin and functioning in different civilizations and cultures of the Ancient World. The texts of legitimization contain realities of ideological (religious and mythological) order, whose quality and character are determined by the cultural level of a given society. The plot of the historical narrative on Parnavaz (“The Life of Parnavaz”), the founder of the first royal dynasty in Georgia, serves as basic text of the study, viz. the “dream of Parnavaz” that contains a whole complex of mythologems and symbols connected with the conception of the origin and source of royal power (such as, “sun dew”, the royal hunting, discovery of treasure and etc.).